

S. VIII. 33.

Solemni funeris deductioni,
Honoratissima ac omnium virtutum ornamentis
prestantissima femina,

DOROTHEÆ *Heimbs* /

Spectatissimi ac literatissimi viri,

DN. JOHANNIS JACOBI TREDERI,
Civis apud Stet. primarij, conjugis desideratissima;
nata Stet. annò Christi 1602. 14. Maji; denata ibidem
30. Aprilis h. 7. vesp. Anno 1637. ætatis suæ 35. extra
14. dies, completò; sepelienda hodie, nim. 4.
Maji, in æde divo Jacobo sacra;

Ut


Omnes & singuli Studiosi Juvenes in Ducali
Padagogio frequentes & condolentes intersint,
seriò hortatur.

M. Martinus Leuschner ibid. Rector.

STETINI, Typis GEORGII GOETSCHIL

Job. 11. c. v. 25.

Ego sum resurrectio & vita:
qvi credit in me, etiamsi mor-
tuus fuerit, vivet: Et omnis, qvi
vivit & credit in me, non mori-
etur in æternum.


Miramur concitatas cœli conversiones,
in quæ perfectissimò istò ac pulcerrimò
mundi clypeò miris variata fulgoribus
calamina dum suspicimus, dum stella-
rum altitudines, prægrandesq; illarum,
sub pusillâ apparitionis formâ, magnitudines, dum
molum maximarum mirabiles ac velocissimos gyros,
perq; patentissimū illud cœlestis palatij ambulacrum,
in perniciosissimâ gyratione, ordinatissimas itiones ac re-
ditiones, multiplicesq; ortuum & occasuum varietates
ad mensurâ & numeri calculos revocamus, in stupo-
rem pene vertimur. Atenim cur non potius miramur
mirabilem hominis ortum? cur non ex homine homi-
nem dum nasci, dum animal divinitatis quodammo-
do particeps; in cujus sublimi mentis spherâ longè ce-
leriores agitationes, gyri, flexus ac reflexus contingūt;
vivum ex mulieris uterò hanc in lucem edi, unumq;
hominem, mirabili separatione, in duos quasi diffindi
ac dissolvi cernimus, planè obstupescimus? Est profe-
ctò ortus hominis inter cætera mirabilia DEI opera
maximè mirandus, actusq; ille, quo mulier vivum ac
mentis compotem hominem in lucem producit, cum
quovis naturæ miraculò, de primis certare potest.
Ex quò fit, ut totiens divinus Spiritus, cui verissimè,

quæ facer codex nobiscum communicat, sacra adscri-
buntur eloquia, ortum hominis è muliere inter & iudici-
a, seu mirabilia Dei opera, recenseat, ex eoque cum re-
bus gravissimis ac maximè arduis comparationes fre-
quenter deducat. Verùm enim verò quam mirabilis
ac stupendus hic est ortus, tam etiam, post contractâ
primæ culpæ labem, difficilis est ac periculosus, adeò
quidem, ut sine maximo labore, angore & vitæ peri-
culo in actum deduci non possit. Quod, ut cetera o-
mnia, egregiè docet Servator noster, quando non mul-
tò ante illam ab aternò decretam mundi expiationem
in cruce & per mortem factam, pusillum illud triduanū,
luctu, angore & cruciatibus refertissimum, cum par-
turientium doloribus comparat: Mulier, inquit, quum
parit, dolorem habet, quoniam advenit hora ejus: post-
quam autem peperit puerulum, jam non meminit afflictio-
nis propter gaudium, quod homo sit natus in mundum.
Quò sanè effatò angores illos & cruciatus maximos,
qui per passionis triduum, ante latissimam ex morte
resurrectionem, cum sibi Servatori, tum Discipulis
perferendi erant, cum parturientium doloribus com-
parat, quòd nihil ijs in hominum vitâ, difficilius, a-
cerbius ac vehementius esse possit. Fit proinde, ut, li-
cet singulari quodam divina providentia & clementia
nutu pleræque mulieres, ex hac partus luctu, quæ ipsas
verè in vitæ ac mortis collimitiò constituit, tandem e-
luctentur, ac doloris suæ ultima novò gaudiorum af-
fluxu

fluxu terminari sentiant: multa tamen etiam vel in ipsâ dolorum vehementiâ, vel paulò post, exhaustis & consumtis viribus, paulatim deficiant ac exstinguantur. Exemplum nobis, ne longius evagemur, de se largitur honestissima omnibusq; virtutû ornamentis cultissima fœmina Dorothea Gheimbo / viri spectatissimi, multipliciq; doctrinâ, prudentiâ & aliarum virtutû decoribus maximè conspicui, Dn. Johannis Jacobi Trederi, civis Stetin. primarij, uxor quondam dilectissima, nunc desideratissima, quæ & ipsa, cum non ita pridem cum difficilioribus partus laboribus colluctata esset, prædictû quidem maritum suum, editò in lucem filiolo, patrem effecit; sed paulò tamen post, animâ ad cœlum dimissâ, corpus doloribus fatigatum ac fractum, pûssimâ morte depositum perpetuæ quieti tradidit. Nos pûssimæ matronæ vitam, quam varijs virtutum ornamentis decoratam hisce in terris exegit, brevi narratione percurreremus.

Natam illam accepimus Stetini, annò Christianæ Epochæ, post millesimum sexcentesium, secundò, 14. Maji, parentibus optimis omniumq; Christianarû virtutum laude cumulatis; patre quidem honoratissimò ac integerrimò virò, Dn. Benedicto Gheimbo / cive ac negotiatore apud Stetin. præcipuò; matre autem honestissimâ ac lectissimâ fœminâ Catharinâ Vollertianâ, quæ divini numinis benignitate etiamnum superstes, insperatum hunc casum acerbissimò luctu deplorat.

Potitâ ex optimis pÿssimisq; hisce parentibus vitali aurâ, statim, postquam inter terricolâs numerari cœpisset, salutarî Baptismatis aspergine, à carnalis natiuitatis sordibus purgata, & mystico Christi corpori inserta; atq; deinceps per omnem ætatem, licet patrem quinto trimestri præmaturâ morte amississet, à superstite tamen matre, & amplissimo & prudentissimo Dn. vitricô, Dn. Paulo Giesenio, Reip. Stet. quondam Consule meritisimô, pÿssimè educata, omnibusq; virtutibus, quæ hunc sexum maximè decent, ita exculta est, ut multis alijs hac in parte palmam præriperet.

Anno ætatis sue 15. cùm virtutum, ut dictum est, festivâq; morum elegantia, ac inprimis verâ pietate & singulari in curandis rebus domesticis industriâ præmineret, de consiliô matris & amplissimi Dn. vitrici; à quô, non secus ac ex ipsô nata esset, tenerimè semper amata fuit; viro honestissimo ac integerrimo, Dn. Michaeli Brauero, non sine singulari diuinæ providentiæ nutu desponsata, atq; postea, 15. Septēbris, anno 1617. intercedente solenni nuptiarum sacro, in toro Nuptiali apposita fuit. Quod quidem pÿssimè initum matrimonium, cum hoc exoptatissimo suô marito, in summa tranquillitate & animorum consensione, per 17. annos coluit, cumq; diuinæ benedictionis largitate, sex liberorum; trium filiorum; triumq; filiarû, patrè effecit; ex quibus tamen præter unicû filium, & duas filias, nemo ampliùs, fatorum diritate, superest.

*Amisſo ſua viſſimo hoc ſuo marito, annò 1634. 11.
Junij, de matris ſuperſtitis conſiliò, viro ſpectatiſſimo
ac literatiſſimo, Dn. Johanni Jacobo Tredero, civi Ste-
tinenſi primariò, anno ſequenti 1635. 14. Sept. denuò,
cùm ſolitaria viduitas curarum domeſticarum molem
ampliùs non ſufferret, matrimonij fidem addixit, eiq;
deinde pſſimo ſolennitatis Nuptialis ritu conjuncta
fuit. Verùm utut pſſimè initum ac ſua viſſimò conju-
galis amoris affectu matrimonium hoc cultum fuit
hactenus: inſperatà tamen fatorum invidià diutur-
nũ eſſe hanc potuit. Cùm enim annò hoc currente 1637.
12. Aprilis difficiliore puerperiò, unicò vix filiolo, ceu
primis exoptati ac fœcundi matrimonij delicijs, dile-
ctiſſimum ſuum maritum, viduum nunc mœſtiſſimum,
ſecundò numine, exhilaraſſet, paulò poſt, relicto hoc
ſincerioris amoris atq; affectus Conjugalis pignore in
ipſius brachijs, pſſimò fatò defuncta ad beatarũ men-
tium concilium profecta eſt.*

*Vitam ejus cateram & Chriſtianam converſatio-
nem quod attinet, notum eſt bonis omnibus, quantà
pietate Deum, ad divini verbi regulas, ſemper colue-
rit, quantòq; Chriſtiane charitatis affectu proximum
ſuum fuerit complexa, & , ubicunq; licuerit, Conſiliò,
operà & re, ſine omni murmure, libentiſſimè adjuve-
rit & ſublevaverit. Quare etiam non dubitamus;
cùm non ita pridem, 30. nim. Aprilis horà 7. vesperti-
nà, annò etatis ſue 35. fruſtrà adhibitis pretioſiſſimis
medi-*

medicamentis, p̃ysimā morte vitam tam sanctam &
innocenter exactam clausit; quin jam inter beatos
coelites omnium arumnarum & adversitatū victrix
letissima triumphet, ac pro momentaneis afflictioni-
bus aeternum glorie pondus recipiat.

Nos exanimi ejus corpusculo, cujus exequijs ho-
diernus dies dictus est, letissimam olim, cum omni-
bus sanctis atq; Electis, ad vitam aeternam resurrecti-
onem; lugenti autem marito ac toti familia, prama-
turam hanc ac insperatam mortem dolentiū ferenti,
efficacem divini Spiritus consolationem, & clementis-
simam similium casuum lugubrium à Deo ter optimò
maximò aversionem animitus precamur.

Quod superest, omnes & singulos studiosos juve-
nes, sua nobis qui dederunt nomina, studiosè exhorta-
mur, ut horā 2. pom. in Audit. majori congressi, Pra-
ceptores, condolentis affectus causā in funus proditu-
ros, decenti frequentia comitentur. Prop. publ. anno
& die, ut supra.





921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

